

德教心典

【祝香辭】

縷縷清香繞聖空
香繞聖空神人通
神人相通惟心感
心感信香化蒼穹
南無天雲海會諸仙真（三頌）

【起讚】

陰陽分曉日月尊
渾渾五行合乾坤
帝德玄黃參化育
訂立慧緣修真根
奉請 東方木德星君
奉請 南方火德星君
奉請 中央土德星君
奉請 西方金德星君
奉請 北方水德星君
奉請 德德社諸佛仙尊

【經文】

玄旻高上帝玉皇大天尊，慈念塵土末劫，發大悲心，揚大教化，度一切苦厄，救一切蒼生。眾善子，教不離德，德不離心，天命為性，率性歸真。是故有諸行藏，不欺、不偽、不貪、不妄、不驕、不怠，塵世無魅，無侵損相害，無是非訟擾，赤心古樸，積精為神，水火刀兵不見，災疫疾厄不遇，恬愉自得，慧志潔淨。常持聖典，正覺開智，超凡化真，心廣體胖，家室安寧，以增天爵，以邀吉亨，至誠無物，至妙至精，道化成理，虔感至靈。

南無大慈大悲伏魔大帝，
德德社至上古佛玉皇大天尊。（三頌）

【收經辭】

玉皇大天尊，義氣貫乾坤，忠心如赤日，紫德訂道軒。
願以此教典，普化於世間，同登極樂土，共躋天堂歡。
南無德德社諸佛仙尊（三頌）